

赤城志卷第二十四

山水門六

水

黃巖

永寧江源出縣西北三百四十里按舊志有大小二源大源出塵山東南流廣一十五步二百一十里至左溪村小源出黃巖山東北流廣五步一百里至大溪與大源合然平淺不通舟又東流三十里至官奧村無灘磧直下永寧江廣踰百步又東流一百里從縣北過三十五里會臨海

嘉定赤城志

卷之二十四

臨海宋氏重梓

縣海口入於海從源至海水程四百八十里寰

宇記稱東山北臨永寧江謝靈運嘗登焉

靈運有望

海詩云開春獻初歲白日出悠悠蕩志將愉樂
瞰海庶忘憂策馬步蘭皋緹紫藟春流非
大浦攀茗履長洲白華縞陽林紫藟春流非
徒不弭忘覽物情彌適萱蘇始無慰寂寞終可
求陳與義詩云宴坐峯前衝雨急黃巖縣裏
借舟遲百年癡黠不相補萬事悲權豈可期
莽滄波兼宿霧紛紛白鷺落山陂只
應江海淒涼地欠我臨風一賦詩

縣河在縣郭由官河東出支而為流者五深廣視官

河出慶善坊者

舊大寺巷

至寺門而斷出叢桂坊者

半民居而斷出孝行坊者踰華嚴閣西而斷出

奎文坊者則入前洋而西達于浦惟出景賢坊

者處五河之中過錢家橋而北直邾家橋永寧橋分爲別流西滙於城隍祠下則經於縣治之前又北抵於壽寧坊則經於縣治之後復南流與縣前河接環抱縣圃西會於洪家巷以達於江

官河在縣東南一里自南浮橋南流至嶠嶺一百三十里陸程九十里廣一百五十步又別爲九河各二十里支爲九百三十六涇以丈計者七十五萬分爲二百餘埭其名不可殫紀綿亙靈山馴雉飛鳧繁昌太平仁風三童永寧八鄉溉田

七十一萬有奇舊建閘一十有一以時啓閉其隸仁風者曰常豐清混斗門隸飛鳧者曰交龍隸靈山者曰鮑家步長浦隸繁昌者曰周洋回浦永豐黃望金青其區畫之詳昉於元祐中羅提刑適廣於淳熙中句提舉昌泰旣而李謙李大性踵將使指又重修焉役大費鉅至煩朝廷撥封樁降度牒以附益之規模閎遠矣

彭殿撰
椿年爲

之記

黃巖溪在縣西一百里源出黃巖山前所謂小源者

也其濱有黃石五區如相拱揖云

孫應時詩云
得雨溪聲壯

無風雲氣多山花依翠竹灘石亂寒沙樵父谷
中出牧兒牛背歌逢人問塵世擾擾意如何

三童溪在縣西南三十里源出三童山東流一十八里入永寧江

口溪在縣西六十里古號新城西北有小谷曰金玉灣

橫溪在縣南九十里

白龍潭在縣東一十里方巖其穴有三大僅如壘常有雲氣罩之居人見龍出入因其色白故以名潭嘉祐初禱雨未驗夜分有大呼於野者曰龍已居西矣旦以疏投西潭一蛇躍出烈日飛雪

嘉定赤城志

卷之二十四

三

臨海宋氏
重梓

繼之以雨歲大稔

白塔潭在縣南四十五里土人常見龍出入舊傳潭在山頂廣不盈尺牧童續蔓墜石累十數莫能測俄大雷雨羣兒驚走翌日過之已失潭所矣嘉定十一年里人禱之巖罅水流如線忽有小鼈從旁竅出因盛之以歸既而大雨

方山潭在縣南一十七里一名金鷲俗傳舊在吉壩山有金鷲自潭飛出踰五里止於方山隅竟夕風雨雷震旦視則爲湫矣

霧露潭在縣東南二十里下有泓水深僅尺許每欲

雨則雲氣直升或如靄霧紛凝則數日方雨
雙魚潭在縣西南三十里砂步佛嶺俗傳有雙魚各
尺餘金色從溪逆上漁人網之不得竟入石巖
下有一小坑涌水成潭每禱輒應

湖師潭在縣南三十里舊傳有巫家女嘗浣紗溪上
爲龍捲去其尸久不出後有漁人云見一女乘
龍自南海升天遂以名潭每欲雨則有雲霧

畫潭在縣西五十里山如餅鑪潭居底旁無通蹊將
詣潭必從上而下嘉定八年不雨權令陳達將
投鐵簡而雷發潭中有五色雲出焉俄大風雨

嘉定赤城志

卷之二十四

四
臨海宋氏
重梓

赤頰潭在縣西五十里亂山中龍出入必大風雨故
近山無居人旁有大木皆無膚葉父老言有龍
黑身而赤頰遂以名潭

晉源潭在縣南八十里百丈巖側相距一澗水常洶
涌中有巨石如牛欲詣潭則俯循牛背以度歲
旱致禱或雷聲發於潭底則大雨隨之

柵眉潭在縣西九十里柏都洞南怪石壁立過者悚
慄年豐則有雲氣覆其上雖炎日中不散歉則
否

三井潭在縣南九十里穴怪石上龍出入則雲氣翳

然又縣西北一十五里地名錢本坑下有井如
品字亦號三井潭

藏雪潭在縣西北一十里卽鳴山之鳴川潭舊傳五
六月間積雪不消遂更今名

米篩浪潭在縣西五十里四面多怪巖雖無風而水
常有浪如米篩紋云

聖巖潭在縣西六十里日溪側有瀑布自北山注潭
中上有石可宴坐

靈龜潭在縣西六十五里

求仲弓詩云江湖雖濶多
習網幽澗清虛且勉旃待

我功成買雙鶴歸
來伴汝一千年

嘉定赤城志

卷之二十四

五
臨海宋氏
重梓

樓崎潭在縣南七十里每欲雨則雲繞半山土人謂
樓崎尖裏帽云

寒坑潭在縣西一百三十里兩崖夾山爲澗時有黑
風自潭出每禱乘木筏以入微不謹則有驚怪

靈巖潭在縣北一十里靈巖下

戚五娘潭在縣西北一十里

橫山潭在縣西北一十五里

岱石潭在縣西南一十七里石大人山側

望海尖潭在縣西三十里靈石山北巔

夏烏潭在縣西南六十里夏烏山側

圓巖潭在縣東南一百二十里松門山

天賜湖在縣東南五十里阻浪山水極清泚歲旱
溉田千頃故老相傳以為不假浚鑿天實賜之
橫湖在縣東南八十里百丈巖下凡東南溪流三十
有六皆會焉

消湖在縣東南九十里五龍山北

溪口湖在縣南一百一十里源出王城山東北流入
浦

芟池在縣南三里中有石塔泉與鐵米篩井通僧淨
真溝之入市今塞矣

嘉定赤城志

卷之二十四

六 臨海宋氏
重梓

大澤塘在縣西北四十里瑞巖山上僧慈保即一大
壑為之下繫石上築以土旁為十門分數道以

達於田

錢參政端禮題云塵纓久欲濯滄浪今日來游大澤塘水似我心心似水更無

一事可
商量

石井在縣西九十里柏都洞下上有石穴如白圓而
深雖刊鑿之巧不如也水自山流注旱澇如一
一日牧童續蔓墜石探之莫測其深有木葉墜
共中旋自其南龍湫流出意其下相通云

常樂寺井在佛殿前大旱不枯慶元三年大雨溪溢
水及寺半壁忽於井處作大盤渦撮水入焉須

與見平地

鐵米篩井在縣東三里九峯寺南源自山出其行如溝入井處僧以鐵窗限之故名米篩邑人皆汲焉令常濬孫榜曰不竭泉且亭其上

魯神井有三在縣東五里魯神廟側一在神像下不可汲二在廟後回環皆巨木葉墜獨不入井中人以爲異

委羽井在縣南五里洞南百步深不五尺旱澇不損益其味甘尤宜釀酒

甘露井在縣西八十里浮山寺舊傳有胡僧講仁王

嘉定赤城志

卷之二十四

七

臨海宋氏
重梓

經而甘露降故名泉宜造茶

古漩井在縣南三十五里平陸中

鎮頭山井在縣東南五十五里清可見底味尤甘

水簾在縣東八里箕巖側派流甚廣以其飛瀉如簾故名

滴水灣在縣北一十里自馬鞍山滴水成灣甘潔可愛

東監水在縣東南五十里自監山東流一十里僅勝十石舟又一十五里入官河

水眼在縣東南五十里泥奧山下高僅如盆深不滿

三尺大旱時隨汲隨滿人頗異之

滴滴泉在縣西北四十里瑞巖舊傳有如意道人者居之嘗絕糧神氣不減庵前有泉泓潔可愛令王然作頌有庵前滴滴泓泉水流出心源嗣祖風之句遂取以名

智者泉在明覺院非溪非井但於叢頂根有小竅插以筠筒引至石槽晝夜點滴不絕上槽既溢流及下槽其水僅供緇流一日之用無餘無欠

天台

大溪在縣西南五十步源出婺州東陽縣以其受始

嘉定赤城志

卷之二十四

八
臨海宋氏
重梓

豐天台桐柏之水故名順流而下凡一百一十七里至州

始豐溪在縣西南百步源出大盆山東流一百八十里與天台桐柏二水合始入大溪

青溪在縣西五里源出天台山南流至桐柏又南流三里經三井下流爲瀑布方南入大溪按謝靈運登臨海嶠詩云旦發青溪陰唐元宗送司馬

承仁廟御諱詩云青溪祖逸人皆作青字俗呼爲清者誤

檣溪在縣東二十里孫綽賦所謂濟檣溪而直進是

也杜甫詩亦云飢拾櫛溪橡徐靈府記注云櫛溪源出華頂從鳳凰山東南流入溪則得名舊矣或又名歡溪齊顧歡嘗居焉

靈溪在縣西北一十五里福聖觀前孫綽賦所謂瀑布飛流以界道過靈溪而一濯是也今縣東二十里亦有靈溪蓋其名適類云

乾溪在縣南一十五里舊傳僧曇猷訪赤城有一媪與之語神怒投媪於淵猷飛錫救之其溪立涸故以爲名

神跡溪在縣東北五里與國清溪共流至神跡廟分

嘉定赤城志

卷之二十四

九

臨海宋氏
重梓

支一入臨川橋一入孝義橋

左溪在縣西三十里壽昌路上與關嶺接委蛇曲折凡七十里至大溪

福溪在縣北四十里按晉束皙啟蒙記注天台山去人不遠路經福溪水險而清蓋是時已有此名矣

折溪在縣東北五里舊經作浙溪

國清溪在縣西北一十里流九里入大溪

玉女溪在縣西北二十五里桐柏觀前

界溪在縣東四十里一名介溪

羅木溪在縣北六十里羅公嶺東南

水母溪在縣北一百里摘星嶺南

赤城溪在縣西北五里入大溪

南嶼溪在縣西北七里

響山溪在縣東一十五里

幽溪在縣東北二十里淨明院前

關嶺溪在縣西四十里

惠濟潭在石梁下嘉泰初禱雨現異龜四年夏雷雨

涌出金銀藏錢圓徑六寸餘文曰太平通寶實

太宗朝賜以鎮潭者側有佇真亭

嘉定赤城志

卷之二十四

十

臨海宋氏
重梓

百丈潭在瓊臺雙闕間翠蔓蒙絡水聲淥然盤澗繞

麓入爲雲溪云

靈澤潭在縣東四十里舊名蒼山三潭列其下深廣

瑩澈其龍最靈嘉泰元年禱雨現異蛇

石蟬潭在縣東五十里小溪亂石中水深無底其靈

視靈澤

金橋潭在縣西北一十五里水清澈可鑑旱澇不損

益

深坑潭在縣南二十五里觔竹嶺側

瀑布潭在縣西南三十五里無相院側一名戲龍

河太祖廟諱
下一字

潭在縣西七十里下上雲雨土人敬事

之

雷馬潭在縣西九十里雷馬山上

鼻山潭在縣西一十五里

莫婆潭在縣北一十五里

丹霞潭在縣西北二十里

翠屏潭在縣南三十里

泉湖在縣西五十里

茅君傳云霍林司命治赤城玉洞之府齊永明中忽有羣鵠從

西北來下集霍門溪谷填塞瀾漫數里多所躡藉狀如爲物所驚一夕退飛向西去殆是亦

城上都泉湖中物也

嘉定赤城志

卷之二十四

十一

臨海宋氏重梓

始豐湖在縣南四十步今爲大溪水衝壞併爲一矣

降真塘在縣北二十里徐靈府記云桐柏觀前一里

石壇前有塘名降真中植荷苻今自塘一里出

洞門西峯卽王真君壇也

三井在縣北二十里昭慶院東唐時嘗遣使投金龍

白壁舊傳爲尼所觸一井自塞其二深不可測

每春夏時雨則衆流灌注激涌雷吼或云通海

又云海眼李郢詩所謂三井應潮通海眼是也

咸平中醮祭投龍

夏英公竦銘云石罇山半三井如鑿員不可規深不可度

亂澗四入飛流外落墜石不盈驕陽不涸冷激松檜碧混崖崿山靈所衛神物攸托簫鼓一鳴

雷雨
借作

涌泉在縣西一十五里

巖泉在縣北六十里

龍鬚泉在縣西七十里龍鬚洞口以其噴薄如龍鬚
之布故名

嘉定赤城志

卷之二十四

十二

臨海宋氏
重梓

赤城志卷第二十四終
臨海邵陵鈔并校